

四庫全書

集部

欽定四庫全書

集部

篁墩文集卷八十二

詳校官編修<sub>臣</sub>李堯棟

中書<sub>臣</sub>劉源溥覆勘

總校官進士<sub>臣</sub>朱鈐

校對官監丞<sub>臣</sub>張魯炳

謄錄監生<sub>臣</sub>陳燦

欽定四庫全書

篁墩文集卷八十一

明 程敏政 撰

詩

送孔長史

宣聖五十七世孫覲伯先生以鄉貢進士一典秋  
闈兩司黉序三署有司於行愷然可稱茲以國學  
正超擢藩藩左長史瀕行過予需言為別竊觀夫  
子相魯子思仕衛皆周同姓之親家法具存舉而

錯之何俟贅言然不佞於孔氏有姻好情不可但  
已輒賦一章少寓繾綣之意

教鐸分明振一時爭傳闕里好孫支殊恩又拜宗王傳  
老學曾堪國子師坐想潞州增宿譽肯同梁苑鬪新詞  
西風祖席情無限擬折黃花薦酒卮

小女以乙巳歲臘月八日生與予生辰隔一日  
人以為奇至彌月之旦予適署左春坊印百晬  
之旦又有賜語之榮人益以為不偶因請于母

夫人小字之曰恩姐併賦一詩簡尚寶錦衣二  
賢舅及宮簿弟以私識喜不足為外人道也  
彌月佳徵見一回慶從百晷更相催青坊史送金章到  
玉陛恩頒紫誥來乳媪解驚風骨異慈親贏得笑顏開  
況於阿父連生日歲歲勞添煖壽杯

雪景二玄兔

黃芽襯雪青山空蒼松掩映山茶紅澗泉隱隱流白虹  
驀地驚看兩奇絕夜來似食玄霜屑變盡鋒毛杵聲歇

一拳跛齷思軼塵一矚迷離光射人歲寒共保蟾宮月

贈吳遠貢士赴南雍

禁柳青青入望餘暖風吹雨濕征裾北來終奏長楊賦  
南去還携小戴書驛路帆檣春水足橋門燈火夜窻虛  
承聞二老身全健幾日高堂問起居

贈方思潤貢士赴南雍

欽州先達重怡菴喜見諸孫慶澤覃秋榜已傳三試捷  
夜窻何負一經酣會應得意驂龍左轡許歸心逐鴈南

定有青藍叨座主不辭他日為君慙

送楊郎中志仁赴湖廣憲副

年少才華衆不如提刑風采重新除掇科久擅專門學  
讞獄長乘使者車別處路分燕柳外到時秋入楚江餘  
皂囊剩有朝京吏時向高堂問起居

錢舜舉清暉堂所寫戲嬰圖為臨淮顧謙賦

海榴花開白日長繡屏十二雲錦張沉沉午漏下初刻  
搔頭不整慵來粧一姬南面金縷裳兩姬夾侍相頡頏

傾然圍坐看兒戲斑管雕弧堆象牀三姬鼎足如鴈行  
玉階隨步鳴雙璫以口撫嬰愛入骨笑語彷彿聞昭陽  
一姬下坐收錦襦洗兒自與澆蘭湯娟娟秀若化生子  
銀盆水煖芙蓉香一姬轉盼殊未央拭巾在手明吳霜  
小鬟兩兩意閒適紈扇不動薰風涼苔溪畫史推錢郎  
柔思獨步丹青場摩挲舊本豈易得流傳遠自清暉堂  
才人不說顧長康鑒賞欲博千金強螽斯麟趾尚可作  
為君擊節歌周王



送張輝貢士還石埭

春滿都亭不作寒  
舊京南望路漫漫  
青雲長缺歌聲壯  
野水孤舟別意難  
千里霜蹄應蹀躞  
九霄風翮會高搏  
他時出色歸吾子  
座上無慙老從官

題柳文範舍人畫右軍觀鵞便面

晉帖紛紛逐逝波  
畫中徒見右軍鵞  
家雞亦有臨池興  
未必元和媿永和

慶志仁李處士六十

花甲將周第一巡高堂先擬慶生辰千年瑞應庭前鶴  
雙柱香聯席上珍練水屏山娛晚節木公金母是前身  
遙知賓客稱觴處綵服光搖石凍春

三月廿六日飲鏡川楊學士後樂園亭

咫尺高坡蒼翥然絕市塵汲泉蘇菜甲編竹攤花身歌  
徹江南弄盃空白下春高風鏡川老不是草玄人  
地主深留客移尊後樂園壚香多繞坐盆石正當軒避  
飲穿花逕尋詩過葦樊忽然歸興發斜日在西垣

喜去看花約春風第一回  
草間幽逕入池上小亭開  
大嚼兼新釀羣芳雜舊栽  
賞心應未足還許扣門來

帽島籠煙為尹性之御史賦

一山突起圓且卓  
兩山夾峙如展角  
儼然唐製落丹青  
秀出天工謝雕琢  
故家庭戶對山啓  
入眼分明不盈握  
烟際時籠翠靄深  
風前肯受黃塵濁  
頗疑巨靈發其祥  
往往珪璋蘊奇璞  
主人似出尹吉甫  
拄笏無嫌往來數  
豸冠相峙兩相高  
十載威名動山嶽  
竭來笑踏塵網中

猿鳥驚違幾弦朔山容彷彿入幽夢世味炎涼聽誰學  
湘鬟渺渺鏡難勻笠澤茫茫纓可濯地因人勝古則然  
媿乏高吟寄縣邈願取重占披絮雲一日甘霖沛新渥

滿江紅壽盛都憲七十

七十高年冰壑老重逢華旦喜江上白鷗新社初分一  
半句曲道人朝送酒武夷仙子晴張幔望弧南一點老  
人星當空爛撫桑柘無羈絆有松竹堪娛玩更填荒  
迭奏兒童爭看愛國久驚霜髮短怡年未覺朱顏換願

自今花甲兩週來從頭算

黃通政刈葵種蔬卷

花譜從人鬪紫紅官曹長喜課園功  
論心客至茶初熟擊節詩成卷已充  
翠蔓絡雲延徑遠黃團經雪繫門空  
新年半是清齋日細嚼無因共此風

送范武選太和出知濱州

幾年郎署振芳聲一日都門促去程  
霈澤已隨除目下清時寧遣謗書行  
馬蹄雨足山東路鰲背雲收海上城

公道賜環應有待且將蘇息慰民生

送陳武選匯之出知青州

南風吹雨淨氛埃亭上離尊曉正開此日一麾聊出守  
他時諸老定憐才貞珉不受青蠅汚上駟終期駟耳來  
肯為謫居忘世慮看君佳惠及蒿萊

送王進士元聘之山東分采實錄

博采遺芳紀聖功羨君分命及春風青雲早步儒冠右  
畫舫遙乘使節東禮樂化行周冊在典謨書出魯堂空

歸來史局分張處定數何人筆最工

十九日訪馬天祿僉憲于西城不遇馬上戲成  
四絕錄奉一笑從者以是疲憊多不能興

鞍馬勞勞半日程訪君西出又空行居人半雜盧溝語  
彷彿君猶未到京

彷彿君猶未到京我家投刺見君名相期自有神交在  
不比秋鴻社燕情

為君作意到西鄉肯學山陰雪夜航馬上得逢燕九節

不妨隨步踏春陽

不妨隨步踏春陽可笑人間我獨忙  
屈指舊遊三十載一官贏得髮絲長

貞壽堂壽浮梁范進士珏母

一堂新起奉慈顏大扁高題華棟間  
冰蘖久諳心行苦霜華深點髮絲斑  
史官執筆書孤節王母緘泥寄九還  
况有甲科賢令子褒封不日到江關

送董尚矩侍讀使朝鮮



持節下丹霄嚴程擬度遼寵分新帝命爵重舊官僚別  
醞頻浮蟻行裝尚擁貂董生家學正箕子國封遥候館  
催晨策周廬警夜刁玄菟荒隱樹鴨綠暗通潮譯史傳  
華語蕃王接使輶屯雲來羽衛匝地奏饒簫損益周儀  
注承宣漢詔條冰壺知節操海鶴見丰標客路春回馭  
宸居斗建杓臨邊詢戰法觀俗聽風謠史案需鉛槧吟  
囊富籥韶皇華莫輕續留取壯天朝

題衍聖公畫

古木蕭蕭帶遠村清溪瀟瀟遶柴門一時野色供詩料  
無數寒鴉帶墨痕翠障儘收來坐側紅塵不許到籬根  
平生最有山林癖欲喚高人與細論

送袁進士翺之南畿分采實錄便道省其父雪

檜君

銀漢槎新畫錦紅甲科人住涖湖東青憐古檜欺寒雪  
老恨叢萱瘁晚風千里白雲行人望一編金匱待成功  
掄材他日官朝著羸取恩光紫誥中

題吳廷端太守山水障

蒼山突起浮雲中湖光百頃磨青銅底須飽看卧遊錄  
入眼已覺紅塵空何人卜築依山住一任飛雲掛庭樹  
下瞰澄江小作亭正據溪山最佳處柴扉晝掩呼未開  
石牆夜雨生莓苔門前有客問奇字短檠自携春酒來  
對岸溪橋大於菴寒潮漸啣沙頭逕農家地僻少通車  
僧舍樓高屢聞磬村巷有粟甕有新忘機魚鳥相情親  
山林豈博鍾鼎貴優遊最愛漁樵人竹鶴老翁今已矣

半幅生綃映窻几風致公然似歛西歸興蕭蕭隔千里  
練水屏山今所無故鄉之樂不可孤相期歲晚結新社  
飽玩天開真畫圖

慕耕堂為翟司儀題

華扁高堂揭慕耕當時庭訓尚分明惱人黃犢真無賴  
刻志青燈竟有成湛露已分天上寵春風還繫隴頭情  
顧名不廢詩書業更遣遺芳及後生

壽周近仁稽勲乃尊

歲歲花朝與壽期  
畫堂晴日正舒遲  
香風送暖吹斑鬢  
綠酒搖光映白眉  
遐筭屢窺南極現  
高情真笑北山移  
知君有子堪怡老  
勲部才名冠等夷

題盛舜臣所藏顏秋月鍾馗出遊圖

青天下白露古道吹陰風  
窅然絕人跡野燐招搖紅  
老魑跨長耳出眺咸陽東  
前驅役厲鬼歛若尊元戎  
睢盱礪霜刃急脚鳴青銅  
撾鼓或弄遂皂旆揚其中  
誓剪六耗孽祛爾百崇  
幽相期衛良民振旅還  
幽宮侃侃達上

帝冥冥策其功何哉虎榜人不樂鼠輩同顏生號秋月  
妙染非常工水墨不憚勞幽冥忽相通貌之豈無意媿  
彼生王公寒窻日卓午瓦研冰初融聊題一轉語未覺  
雙眸空

送刑部趙郎中鶴齡赴山東副使備倭海上

提刑清譽四方聞拜命還提海上軍身服豸衣明白日  
手持龍節下紅雲倭人入貢遙通表漢主東迎謾刻文  
喜遇太平無戰伐列城安堵是奇勲

題畫送金宗德還吳中

其弟宗栻  
方在國學

執手河橋畔長亭野望通  
離觴分若下客棹向婁東  
茂樹含風遠流雲墮地空  
到家應幾日天末見歸鴻

送周原已院判還南京

客居相近帝城東  
去住情深一月中  
厭說到來淹暑雨  
喜看歸日快秋風  
心游樂園無餘地名  
抗詩壇有數公  
轉覺舊家堪吏隱  
鍾山青繞建章宮

送陳進士宗之采實錄于江西便道省親

史局新開傍石渠四方收錄遺文儒名堪萬選誰踰子  
才擅三長却愧予吉日漢槎同上道盛時堯典待成書  
往來最喜還家便贏得高堂問起居

送黃武選補養疾還黃巖

南京少司空世顯子

萬里江如練歸舟正及春未堪多病者猶是壯年身白  
下趨庭便黃巖講道頻重來應有日知不負昌辰

珍姪求詩贈蕭揮使奉表入賀還溫州

聞道英姿有父風一函稱慶大明宮忽瞻夜斗辭都下



遠汴春濤向浙東，征旆小分官柳綠。  
離觴清浥渚花紅，無由識面東風裏。  
試子論文說劍中。

壽王濟之侍講乃尊令君

笑指靈椿壽域開，花封聞早賦歸來。  
高堂樂我朱顏壯，宦海從人白髮催。  
太史得名先五桂，晉公留祚啓三槐。  
洞庭春色分馳賀，海屋添籌到幾回。

送劉振之還常熟

幾年相識劉師服，命棹還家不可留。  
客路曉風吹鴈度，

闕河春水帶冰流行邊佳什傾諸老醉裏高情薄五侯  
無限江南好花月待君收拾付詩郵

送劉景元侍講使交南

天子龍飛天九重恩覃率土如春濃詞臣宣命向南粵  
一函紫誥金泥封都城二月東風緩祖道初開柳芽短  
行色遙臨銅柱標奎光預燭皇華館兩袖天香到日南  
隨處山川消瘴嵐樓船鉦鼓蔽江下想見蕃王迎使驂  
我聞交人最狂悖解傾中原圖向背重譯曾輸白雉來

移書謾數青苗罪多君系出劉更生正色昌言人所驚  
要令絕域獻忠款非子孰堪當此行嶺贄蠻琛隨入貢  
荷慶何人比麟鳳貯橐應無意吟囊豈待雞林重  
容易恩光遍海涯今皇聖德似重華經幃史局需才彥  
及早來歸星漢槎

送劉述憲赴福建副使督理銀課

畫舫薰風向八閩西江人物外臺臣璽書在手官威重  
金帶橫腰寵命申聖代不增新利額清門無忝舊儒紳

同年況接同門契傾倒離觴莫厭頻

太乙真人圖

小舫輕於一瓣蓮貪書忘却水如天丹青未識當時意  
誤比乘槎海上仙

過暄東白善世留酌

地主風流勝辯才相逢何必問西來退朝一馬當廳下  
入社雙眉喚酒開人樂盛時閒半日寺臨馳道絕纖埃  
斜陽未盡同游興一任高城調落梅

得字送刑部王負外弼歸省

侃侃西曹郎夜夜夢鄉國重闌幾百齡不一候顏色有  
父亦解組常使心惻惻上書獲歸省稽首謝聖德凌晨  
戒行李喜極思奮翼春意入南浦細草漸如織鳴簫發  
征舸東風飽帆力眷此晝繡還忠孝誠兩得朱門浙水  
東預想開壽域高堂送春酒歡動碧山側悠悠樂何窮  
生感歲華逼良晤行有期無忘拱宸極

感皇恩壽故大司馬白夫人

編修秉  
德之母

每歲到花朝正當稱壽青鳥將書報金母一周花甲重  
見春杓回斗喜看華髮映朱顏久 白傳盟勲賓郎騰  
茂有福能如太君否鳳冠霞帔笑指東風蒲柳滿聽新  
曲度長生酒

送周駙馬德彰代祀孝陵

時德彰兄蘇郡同守  
德中方考績將同省

先墓于  
彰德

一函香帛下丹霄千里江山屬使軺鍾阜炳靈曹氏蔣  
孝陵神御獨尊堯飲醇風采傾三國鳴盛篇章笑六朝

池草夢回同上塚官河春綠便歸橈

奉送大司寇何公蒞任南京

聖主龍飛百度新承恩先喜際昌辰興王地切思皇祖  
弼教功多簡世臣西漢誰當經律選東都原重保釐人  
相違不盡相從意萬仞鍾山入望頻

送同年陳美宣員外知臨安府

剡州南去擁丹幃嶺嶠人才衆所瞻一道專城需吏治  
幾年分署嘆郎潛晨星漸覺朋簪少春水無憂客棹淹

坐遣棘人知聖化為君相屬酒頻添

送同年王世英負外知袁州府

終養堂空歲月侵  
北來圖遂報君心  
承恩便遣提新印  
晤語方驚盍舊簪  
夜斗回瞻宸極遠  
春流疑共別情深  
韓公治跡應無恙  
憑仗才人繼好音

待檉居杜生不至用舊韻一首

時約與雲湖陶生  
作畫故詩及之

一樹涼陰遶屋多  
呼童頻候杜生過  
消煩預遣冰丹杏  
箕飲空勞截翠荷  
坐想畏人譏襴襖  
可緣隨俗聽笙歌



詩壇畫壘新盟在何日功成兩伏波

衍聖公四景畫

山前亭子萬松聲溪上桃花一樹明  
安得此中陪杖屨時時閒坐復閒行

不愛紅蓮愛白蓮一塘開近綠楊邊  
小童吹火翁尋句可愧江南罨畫船

一道澄江萬仞峯懷人相約采芙蓉  
小亭坐納秋聲遠別浦征鴻隔岸鍾

獨裊吟鞭下水涯呼童回折暗香枝遙知野徑詩成處  
正及山房雪霽時

題雜畫

平原空笑弋人勞山水青蔥護錦毛何處晚風堪顧影  
石泉澄澈見秋毫

右山水  
錦雞

雨後薰風不動塵名園生意逐時新嚙枝黃鳥聲全變

結子紅桃色半勻

右緋桃  
黃雀

落日秋風渭水湄天教西伯共心期憑誰敢道鷹揚勇

鶴髮漁翁有此奇

右渭水  
非熊

長鬚衝破荇芽青湖上風來水氣腥喜見天機歸畫史

不將新味付庖丁

右  
鯢

送人之官嚴州

渺渺桐江水蟲蟲桐江上有子陵臺孤絕難為攀下  
有七里灘照影清塵顏幸哉君宦遊落茲山水間朝登  
野亭望暝見漁舟還時時得佳句忘我身抱關我家水  
上游道出清溪灣因君發鄉思極目江雲間

紅黃二色菊

寥落東籬下紅黃色競深情知非媚俗表此傲霜心

送魏端壁知寧國縣

蕭山魏君端壁故太宰文靖公之子官鴻臚十年  
屢膺薦剡及今乃有寧國縣令之除士論未滿也  
子冢古歙於寧國甚近且獲交端壁甚久輒賦詩  
為別致期勉之意

薦章終歲說賢能一日承恩向宛陵印洗舊塵光墨綬

琴翻新曲寫朱繩趨庭學在名何忝伏闕書成氣倍增  
隣境為君先致祝亨衢千里待飛騰

中和堂為無錫醫官華汝清賦

字乃文  
公遺墨

錫山老人山澤臞遺墨重此崆峒朱流風已是百年事  
妙旨不殊三字符鮮花一庭秋雨蒞杏林統屋春陰敷  
憑將架上溯洄語坐愧囊中章句儒

送嗣定西侯蔣公驥使襄府

使節新持第一番金貂光彩動襄樊名傳夙將家聲遠

恩重親王禮意繁驛路曉星瞻北斗江城秋色繞南轅  
昔年羊杜風流在約取歸來得晤言

送申揮使寧守備山海關

馬上秋風拂壯顏羨君持節守榆關邊城迢遞斜連海  
堠火分明直過山北馬能從何地入東人時向此中還  
尚方有印常懸賞好建勲名動八蠻

湖海壯遊卷為宗人養濬賦

小結行窩歲月深江山隨處足登臨肯因見月生羈思

只恐看花負賞心  
幾抹丹青湖上景  
一番絲竹郢中音  
酒酣應笑長安客  
赤日黃塵兩未禁

送劉進士瑱赴南京祠部主事

故學士忠愍公之孫

天與忠臣慶澤長  
春風蘭玉更添香  
衣冠舊出青雲彥  
雨露秋霑粉署郎  
清夜候星應北拱  
早秋隨鴈復南翔  
金陵最喜迎親便  
竹筍江魚樂未央

送進士陳亮之赴南京武選主事

亮之與兄宗之皆于秋闈

所取士

太丘家世舊京人留部分曹寵命新雙珮  
造鷄辭曉闕一舟隨鴈遡秋旻好成芳草池  
邊夢穩稱斑衣膝下身致主有才官有暇  
肯將文字負青春

題小景畫

青山佳處絕纖埃草綠裙腰一徑開  
不是煙霞有深癖水邊林下肯同來

送鄉人孫仲介赴合江簿

籬菊香中酒滿盃喜霑新命出皇都  
百年梓里榮過歟



萬里花封遠渡瀘官況比鸞棲枳棘客心隨鴈起菰蒲  
因君故復西南望歲月悠悠雪半顱

送人官無錫

畫船蕩水秋風清送客南歸無錫城能詩豈愧謝氏子  
解易可比王家甥心常遶闕足佳夢仕不離鄉輕宦情  
因君偶憶故山色曉日河梁聞鴈聲

歸老圖壽致政王璽太守

通政傳之父

白髮朱顏七十餘吉人何藉衛生書忘機久入羣鷗社

遺愛猶傳五馬車  
鄠下晚香開壽席  
終南山色點吟裾  
賢甥令子俱才俊  
時向雲霄附起居

送張上舍赴彭澤教諭

城東誰薦菊花卮  
漸及秋風鴈過時  
塵榻末由延上客  
頻宮應喜得良師  
江邊柳暗陶翁宅  
山下雲深狄相祠  
名跡正堪興後學  
詞源他日看分支

送鄉人俞伯大赴雲南憲司知事

別浦芙蓉秋正酣  
一官隨牒向滇南  
幕開憲府冰霜共

名列銓曹雨露覃徽嶺便郵看路入焚人重譯待庭參  
知君肯負名家後鄉國儀刑仰晦菴

都憲貴溪高公哀輓

曾向山中問起居流光驚是七年餘仙遊地下魂應遠  
政肅臺端望已虛傳世獨留終養表憂時誰續治安書  
當今嗣聖恩如海卹典非常照故墟

丁未二月六日扈從春宮親迎禮成次韻

紫蓋紅旗蕩曉晴鑾輿親迎出宮城萬年喜兆諧龜卜

一日嘉祥協鳳鳴都下人觀周盛禮房中樂奏漢新聲  
春風鶴駕叨隨步繡服香塵輦路平

九月六日令上登極禮成聽詔次韻

大蠲逋稅徹園扉一詔丁寧感綴衣仗馬新從軒陛立  
宮鵲時遶殿簷飛九重聖孝推恩博十載皇心探道微  
求治便應今日始鵲行誰守愧甘肥

長至日陪祀西陵小憩土城寺

曉出都門得好懷暖沙晴日淨風霾  
高墩遠聳如孤塔

廢堞中分似斷涯  
新命又陪詞客後  
舊題曾與故人偕  
停驂野寺叨茶供  
正及山僧午未齋

昌平宿劉諫議祠

三年重拜諫臣祠  
手掬寒泉酌一卮  
氣節可興天下士  
蒸嘗無愧杜中師  
對庭舍子嗟唐策  
憂國憑誰續楚詞  
今日萬機歸聖斷  
有臣應恨不同時

謁狄梁公廟

香火熒煌照翠微  
古祠猶在舊城非  
殘碑蝕土高三尺

老樹凌霜大十圍  
隻手誰扶紅日上  
寸心曾遶白雲飛  
偶來未及椒漿奠  
回首青山帶落暉

望茂陵恭賦

茂陵宮殿鬱參差  
已近先皇發引時  
上界鸞聲應載道  
北山龍脉又分支  
遽遷九室藏新主  
會遣千官奉節祠  
慚愧十年叨講幄  
一言無補髮成絲

十二月七日有事西山陵園宿功德寺航公房

次韻二首

青山繞屋樹藏橋我騎初來亦自驕  
曉日初紅寒未斂  
凍嵐輸翠午全消  
白鷗近水如堪狎  
黃鵠凌空不可招  
擬掃閒雲分半榻  
帝城清夢未應遙

白石巖扉鎖綠蘿江南佳處此無多  
天晴樓閣霧中見  
日晚牛羊山下過  
寂寂古祠依灌木  
亭亭枯葦向寒波  
詩禪久絕風花句  
神女無勞說舊魔

自金山口奉送孝穆太后全塋茂陵

金山直北啓玄堂  
黯淡風雲曙色涼  
翠輦忽扶雙鳳出

禕衣還從六龍翔  
姜嫄祀舉坤儀重  
媯汭波均慶澤長  
孝穆大名知不朽  
萬年哀冊廟中藏

耶律丞相廟次韻

一代豪華去不還  
碧峰長映紫芝顏  
七分數擬堯夫邵  
十倍髯過漢將關  
致主力曾遵夏禮  
活人功比革苗頑  
穹碑已沒荒祠在  
誰剪荆榛表墓山

石像髯垂至足

十四日齋宿翰林東署有懷時同寅諸君子多

奉送大行赴山陵



一榻蕭然紫禁東，碧天如水夜將中。  
繁霜氣侮青綾薄，炯月光涵玉署空。  
林影不搖寒印地，柝聲相續遠含風。  
擁衾却憶沙河道，毳幕薰爐幾處同。

十六夜南郊看牲有作

時在諒閣詔視牲官  
偕緋以行具奏復命

月上圓丘輦路平，禮宮新議借緋行。  
前驅接踵呼清道，中使留身候鎖城。  
龍漏下傳銀箭急，牲房分送絳紗明。  
歸來玉樹題封事，坐視宮花曉奏名。

二月七日右順天門奉雍王殿下講讀及侍書

三日賜宴有作

帝子英標僅八齡書堂新啓傍彤庭分張彩筆看題字  
指點牙籤與授經侍史換香占晝漏貴人傳勅賜春醪  
非才濫竊隆師禮數墨尋行愧典刑

戊申二月十二日扈從親耕籍田宴上作

萬乘親耕舉盛儀東都晴日正舒遲農分野色隨金耒  
樂亂春聲動彩旗扈蹕幸叨霑鎬燕紀成誰可續幽詩  
主張稼穡艱難意天賜豐年定有期

清明陪祀西陵二首

暖風連日漲游塵  
好雨東來足慰人  
濕翠倚空山盡出  
淡黃當路柳初勻  
雞啼縣郭才經午  
馬踏川原正及春  
陵廟禮成歸奏御  
杏錫榆火一番新

已將微雨濕塵纓  
更息寒風待禮成  
萬口共誇天氣好  
四山惟見月華明  
寢園夜下更聲促  
輦道沙乾馬足輕  
一任朝陵常屬我  
新詩題遍永安城

三月八日扈從視學聽講說命文言有作

萬乘隆師禮不煩上庠開講重淵源朝衣綯日金緋匝  
御幟迎風錦繡翻相業古來存說命龍飛今日感文言  
鳳園分賜叨陪坐願續聲詩紀治元

視學歸行慶賀禮畢初開史館有詔以敏政為  
纂修官首

雨晴東觀日華盛典相仍未覺勞聖主臨雍還駐輦  
史臣分局坐揮毫賤名何敢當明詔優寵頻煩賜上醪  
金匱有嚴千古事願將驅策殿時髦

十二日初開經筵賜宴及白金綵幣寶鑑感而有作

講筵初啓荷恩榮  
彩幣兼金重禮成  
誰有責難窺孟子  
只應稽古笑桓生  
黃封露瀉春盃數  
紫禁風傳午漏平  
淺薄將何增聖學  
幾回徒有愛君情

十三日文華後殿早進讀尚書孟子午進講大學衍義日以為常讀畢賜宴講畢賜茶上皆呼先生而不名慙感之餘敬賦以志

禁中清切異人間詔許詞臣奉燕閒新政屢聞誅左道  
遺書真欲見西山猥加體貌慚天語媿乏箴規動聖顏  
日轉觚稜才罷講外庭催上午朝班

四月二十八日起屢賜鮮筍青梅鮓魚枇杷楊  
梅雪梨鮮藕

都城三伏暑方炎天上分鮮我亦霑緘發紫泥留榼筍  
香生青箬帶冰鹽南舟遠貢來何數北客初嘗味更添  
為感歲時繡賜帖不知殘日下疎簾

五月二十九日起屢賜桃杏郁李蓮房宮上黃  
封或題上林監進乾清宮八字或題上林苑  
海子進乾清宮九字或題司馬苑局進乾清  
宮茶房上用十一字

御果頻頒出尚方滿筐甘溢露穰穰黃封盡帶乾清字  
朱實平分上苑香謝表親將頒內使承懽先捧壽高堂  
自知犬馬功何逮一飯從來不敢忘

七月二十日文華殿後講畢上顧中官賜講臣

冠帶靴袍臣敏政預賜織金雲雁緋袍一有  
副金帶一烏紗帽及皂鞢面謝訖上顧謂曰  
先生辛苦共對曰此皆職分所當為頓首而

退

日上果恩曉殿深湛恩稠疊駕親臨對衣紅濯天機錦  
束帶黃分內帑金久幸清班容宦履漸慙華髮點朝簪  
經生職分尋常事消得君王念苦辛

篋墩文集卷八十一



欽定四庫全書

篁墩文集卷八十二

明 程敏政 撰

詩

弘治元年十月十八日得休致之命與李符臺

士欽小酌口占

忽奉歸田詔天恩免逐臣  
便談林壑事莫問市朝人  
好夢依黃犢先聲撫翠筠  
難酬君相意擊壤助遺民

留別士欽

一夜臺章達冕旒聖恩如海得歸休却憐故舊多青眼  
不道踈慵早白頭耕鑿有情還卜穎簡編無分久依劉  
獨餘晚節生涯在樂滿樵林與釣洲

依劉本王榮事文公依屏山先生嘗

用之今取以先師文達公此屏山故云

辭朝出城借宿清化寺

早脫朝簪出帝城喜分禪榻坐深更便疑身在山中住  
追笑詩從馬上成把釣未應歸計拙照人偏愛佛燈明  
枕酣一夜清無夢蕉鹿當年亦浪驚

得用光宗姪新安寄來書并祿命書一紙有勸  
予省人事謝應酬及早歸之意時予得遣出  
城已三日矣喜而有作

小阮書來亦太奇勸予休遣鬢成絲誰知逆旅開緘日  
正是君王賜玦時恩負從龍真大媿命當磨蝎可中移  
山林不日重相見喜取新成第一詩

題先公遺詩後

先少保尚書襄毅公以成化丁亥受詔督師往平

蜀寇嘗駐節清化寺與朝紳為別敏政以編修侍  
行今二十三年矣孤之不肖以庸猥見忤于時復  
寓此寺寺僧恕巖能道舊事且請書先公留題之  
作追念往昔不勝泣然

先公當日將西兵文武衣冠此餞行天上節旄臨大寺  
風前金鼓動高城鯉庭已愧聞詩業烏道猶傳奏凱聲  
二十年来彈指過壁間揮淚續題名

送辨如海上人還松江

霜鴻將盡一帆開，遠別難勝老辨才。  
郢客未分新社約，吳僧先掃舊經臺。  
枯腸臘供芟畦菜，白足春遊了徑苔。  
聞說木蘭花未老，晚香盈握待師來。

題陸廉伯庶子所藏墨梅

宋人寫梅工染地，染出踈花得花意。  
寒枝點綴縱復橫，宛在江村立烟際。  
元人寫梅鐵作圈，千玉萬玉相聯拳。  
天機淺深各有態，三昧定屬何人傳。  
忽拭此圖真宋手，入眼丹青未能有。  
涼風未覺生衣襟，古月猶疑照窻牖。

斷縑殘墨驚海棠當時價抵千金強幾人豪奪幾懸購  
完璧乃歸君子堂多君家在毘陵住高潔平生似梅樹  
秀餐亭上歲寒盟時約花神共來去我今歸卧新安山  
暗香正繞清溪灣北河冰堅未成往春夢夜落松筠間  
補之不作林逋老紅綠紛紛競妍好愧無佳句慰幽芳  
三復莓苔被花惱

予被放還新安以河凍未能即行假宿城外廡伯以  
此卷索題卷中作者如廷韶方伯先已放還而華伯

郎中汝弼太守俱作土中人矣歲月不堪把玩如是  
然姑射仙人歲寒風采挺挺如故足慰岑寂遂呵凍  
書之

題宗姪節之儀曹味道卷

明道紀元歲篤生兩大儒道寄千載心孰能味其腴吾  
宗有賢者家在清溪隅力學厭口耳銘言揭齋居如彼  
藥石功養茲山澤臞坐令膏馥間一日霑羸餘森森好  
學論烟烟定性書願言終子身續食留新畚

題璇大章善世小米山水

書畫船頭虹月殘海嶽庵外江聲寒  
南宮父子不可見此紙疑直千琅玕  
青山勢遶橫江斷綠樹成村隔沙亂  
輕舸並坐漁樵人安得中流分席半  
由來小米筆力殊晉魏書法兼有餘  
畫格明明自北苑寓公往往稱南徐  
松壑上人好清灑來往三吳憶風采  
購求楮墨今尚存感激山川良不改  
禪窻拂拭天真開洗硯欲呼江雨來  
附名錦軸亦可喜等閒富貴飛黃埃



臘月八日以青布壽緋女月仙

願兒從此壽無涯一足青縑致老懷珍重莫嫌爺禮薄  
他年留取配荆釵

題大畈汪衛幕燕歸小像

霏霏香霧凝春殿日上觚稜催賜燕身隨恩澤下丹霄  
烏紗映東風面喜君有籍通金門遙羽鵷班朝至尊  
星源異日觀圖畫知是唐家忠武孫

題盛子昭唐子華小景

石梁新雨滑生苔  
斲藥多因置酒材  
山下杪秋無客到  
松梢鳴鶴訝人來

雪後川原遠近分  
漁榔僧磬隔溪雲  
行吟坐嘯皆詩趣  
追憶吾鄉舊令君

客請遊望湖亭脩碧軒不及往次韻二首

西望湖天半日程  
擬斟寒渌洗塵纓  
一灣路隔紅雲遠  
五月涼生白苧輕  
山寺茶煙衝鶴起  
石門空翠逼人清  
春來遙憶憑闌處  
萬頃鷗波夕照明

渡口冰消問水程  
羈人方幸解朝纓  
名園見說千竿盛  
宦海應知百念輕  
鞭走穉龍牆下  
蜜影搖飛鳳月中  
清  
歲寒心事脩脩在  
一任繁花照眼明

為鄉人張衛幕貴題遼王九鷺圖

葦岸蘆汀立九鷺  
郢人燕說是吾師  
擬將聖訓垂深戒  
想見宗英灑翰時

任月山五王醉歸圖

何處離宮春宴罷  
五馬如龍自天下  
錦韉蹀躞搖東風

不用金吾候隨駕緩策烏騅衣拓黃顏頰不奈流霞漿  
手戮淫昏作天子三郎舊是臨淄王大醉不醒危欲墮  
雙擁官奴却鞍座宋王開國長且賢誰敢尊前督觴過  
申王伏馬思吐茵絲韁側控勞奚人可憐身與馬鬬力  
天街一餉流香塵岐王薛王年尚少酒力禁持美風調  
前趨後擁奉諸兄臨風彷彿聞呼召夜漏歸時嚴禁垣  
花萼樓中金炬繁大衾長枕已預設帝家手足稱開元  
我聞逸樂關成敗狗馬沉酣示明戒二公作誥五子歌

此意當時可誰解仙李枝空人不還王孫一日開真顏  
鵲原終古存風教珍重丹青任月山

山水小畫二首為張尚相題

山色青於染松陰掃未開水邊芳草地才見兩人來  
危坐秋林下翛然古意生山風吹耳淨幽絕澗泉聲

送同年陸文量武選赴浙江參政

同榜悠悠感歲華晨星落落散天涯除書又拔吳中俊  
處世真如海上槎內史之官先過里宣公封事久名家

南歸欲訪巢居閣肯檄林僧一供茶

題馬圖

綠陰風軟白沙乾入眼方知駿骨難輦路草長東幸少  
漫將調習付奚官

航濟川講經約遊西山不果

澗水相期浣襪塵交情誰似遠公真東風曉夜催行客  
贏得西山冷笑人

題沈廷美尚寶所藏四烈婦圖

石郎秉鈞蕭傳死鬪獸君王悅妃子就中却有馮婕妤  
以身當熊傳女史婕妤父本馮將軍義勇光騰金縷裙  
女戎可恨亦撾馬孤負虬髯貞觀君

右馮媛  
當熊

漸臺無宮憑水鎖水長臺危絕行舸君王急遣詔使來  
有召無符計成左臺上美人甘自沉盤遊可悟君王心  
不知臺下桃花漲何似汨羅江水深

右楚妃  
投水

含元殿中如博陸寡婦孤兒肯容宿此身原是未亡人  
一臂寧為一身辱落日荒原聞哭聲白刃可蹈千人驚

五朝長樂痴頑老一夜河間齧臂盟

右凝妻  
斷臂

秦陽軍婦千人勇虎口活夫顏不動礪號山裂天為昏  
幾許高樓髻雲聳征車夜度西河眠骨肉相守終餘年

舅戕夫死避苛政泰山女兒孱可憐

右平妻  
殺虎

送汪大淵赴永州通判

都門曉日動鳴珂漸覺東風轉玉河佐郡正當湖北路  
離筵遙和郢中歌十年自守春秋學千里誰優政事科  
老我臨歧重回首眼前朋舊已無多



遊西山道中作

二十餘年薄宦身投簪方許作遊人  
春空白鳥來無際  
曉霧青山出未勻  
閒生水邊飛酒盞  
遠從亭上振衣塵  
沙橋野店東風裏  
柳眼相窺一最真

過白雲觀

紅塵飛盡白雲生  
一徑深深草樹平  
丹竈已空仙去遠  
琳宮猶枕舊遼城

溪西竹屋

萬斛清風掃市喧忽驚西郭有淇園碧雲冉冉搖香細  
蒼雪紛紛落影繁沙徑逶迤通活水石臺虛敞對幽軒  
酒酣欲刻琅玕節詩句深慚舊掖垣

觀音寺望湖亭次沈中律舊韻

澗水分明一線來碧天空濶鏡中開亭前醫俗憐新笋  
石上題名掃舊苔野衲未驚中變熟林鳥遙認晚鍾回  
春來觴詠休輕擲白塔累累遍草萊

呂公洞

石洞知何代門當玉澗灣潮音疑可聽仙駕杳難攀暗  
穴深通海危亭上攬山吟身貪縱步遙帶夕陽還

欲往香山寺尋皚東白善世不果

湖亭高處望香山殿閣參差紫翠間遙聽磬聲知不遠  
未叨茶供却空還名僧久結三生社詞客聊乘半日閒  
又與山陰添故事吟筇無惜慰離顏

自玉泉亭步至功德寺

東風幾日到郊垌岸草汀蒲已自青羈客乍來方縱目

野人相見亦忘形湖當鷺嶺烟光重  
路人龍潭水氣腥  
聞說先皇曾駐蹕紅雲猶繞玉泉亭

宿溪西竹屋

束裝已戒道看竹來城隅野性自成癖  
路人從笑迂力  
登上上亭緩策沿晴湖回首日西下  
清譙仍相娛引火  
試香鼎挑燈開玉壺但知客興濃不覺春宵徂  
出門見  
星月天籟聞笙竽擊節呼此君為爾羈  
今吾聊須借吟  
榻卧我山澤臞擾擾百年中去就不可虞  
留題歲寒社

莫遣丹青渝

西山道中與友人別

聖恩容納祿隨地可尋春東道非生客西山似故人竹  
貪文字飲萍笑宰官身別後遙相憶詩郵託鴈頻

遊歸值雨

勝日春郊馬足輕歸來風雨暗東城陰晴多謝天公巧  
容我看山一度行

送宗姪式之知朔州

馬首春風鬢未華一官初擢帶生花  
離筵對酒頻看劍  
邊郡屯兵特建牙  
久喜皇威清鴈磧  
遠聞農事遍龍沙  
寄言莫笑江南客  
曾是江南舊將家

武之行或疑其家江南出守西北邊  
郡恐不相宜者正不知吾宗自忠壯公而下至文清襄毅諸公多以文武之畧建大功名相望于譜安知武之不遂亢宗于是州益闡前人之光乎士固不可以南北論也因賦此相贈豈獨解嘲亦以發其志壯其行使知若

子之庸猥見屏于時者蓋不足學也

題畫牛二首

沙柳陰濃岸草深老犍回首認桃林  
手提死雉驚烏啄  
賴有田夫報苦心

芳草平原水滿陂夕陽牛背影差池  
青童黃犢相呼處  
記取前朝賣劍時

贈李士敬錦衣進署千戶

綠鬢朱顏太師子清曉彤庭拜恩旨  
一日詔領千人軍

總道太師今不死太師勲德天下聞遺編滿架留香芸  
詩書韜畧付兩子池上鳳雛原不羣伯氏才華重司璽  
君也奇功著邊鄙由來難弟復難兄世家誰及南陽李  
居然雋爽薄貴游凜如鵬鶚橫高秋觀君骨相豈凡種  
積善自古生公侯幾許青年美聲價廣坐稠談不相下  
金門夜直分虎符玉陛晨趨候龍駕白馬錦衣光射人  
東風滿路飛香塵天家雨露今更渥勉圖莫負嫖姚身  
老生舊是門牆士半世歸耕本無似酒酣擊節成短歌



萬里雲霄壯君志

贈含春子

浮生容易白頭侵誰識東皇造化心  
靜坐久諳升降理希聲何擇短長吟  
梅苞露白香仍淺草藥回青色自深  
聞說箇中生意好無端真樂待重尋

留別清化寺旦東明上人

過眼流光不自勝邇來三月共寒燈  
憑誰可是忘形容笑我真成有髮僧  
別酒定拚空臘味歸途聞說解春冰

沒林倦鳥心猶悸莫道城南紙價增

幼幼堂歌為越中朱廷用先生賦

幼幼堂上春如海幼幼堂下多蘭茝堂中老人髮垂雪  
朱顏不共年華改清曉開門人請藥午夜篝燈診危弱  
塵埃風雨不自知老人活嬰心始樂人言此翁非樂叟  
經史尋常不離手邵家數學窮奇偶白傅詩篇謝花柳  
堪輿上扣青囊翁窮妙還思河上公平生辨博人所羨  
同姓綽有丹溪風我識此翁深人識此翁淺翁心不逐

時情轉義氣分明薄軒冕漢庭一日復古典孝廉有科  
當中選重翁不獨醫之良愛翁不覺歌聲長幼幼堂壽  
且康幼幼之名傳四方

有畫士人與和尚道士醉戲者曲有思致殆宋  
本也漫賦一絕

外貌猖狂內樂真醉來誰主復誰賓等閒不是攢眉社  
自有壺天一樣春

壽意圖為蕪城王君怡晚追賦

仙人跨鳳來匆匆翔翔遠自東溟東手持一卷壽生錄  
天矯似是青華翁紫綃衣輕止欲下石洞上見桃花紅  
花間老人意閒雅萬里一瞬流雲空青苔淨掃坐盤石  
炯然秋水明雙瞳江鄉舊號騎鶴里浮名豈願拘塵籠  
清和天色雨初過異境彷彿開冥濛紫芝歲熟得何許  
石闌詰屈遙相通小童煮茗斟玉虹小鬟奉果采香風  
眼前花甲週可數不惜一笑四春融向平婚嫁久已畢  
老年羸得窺環中丹砂倘見伏金鼎白髮肯使悲青銅

披圖願子得壽意三山一闕蓬萊宮

留別通州王德明守備

德明起鄉進士  
常分守山海關

將軍留客薦離尊說劍論詩笑語溫  
塞柳曾窺單騎出  
窻芸猶護一經存  
牛羊落日京東路  
鼓角春風海上屯  
肯為傍人譏白面  
聽君奇策報殊恩

再別邑上人

潞河三日吹黃風  
上人翩然來向東  
溪藤索詩照夜白  
燕酒餉客搖春紅  
池上冰銜愧蘇子  
城南淨社思陶翁

病身正爾堅飲戒無限離情芳草中

出上人自清化冒風携酒來訪于潞河之許為諸方  
外乞詩值予病口瘡不能一啐悵然賦此上人必欲  
題予銜顧予方以官為累而上人乃有羨於斯何哉  
一笑而別

上林清趣卷為嘉蔬署丞兼林衡署事宗姪京

賦

綠樹陰陰百鳥啼上林遙在帝城西一官向此開清署

贏得新篇取次題

畦菜青青苑果紅  
宦途清絕市塵空  
五風十雨開園後  
來往人行晷畫中

不比前朝貢荔枝  
晚松春韭綠參差  
官閒有趣無宣索  
萬歲君王盱食時

苑中應起借烏軒  
每汲沙泉學灌園  
輦路草長巡幸少  
清時誰競嗇夫言

心地清如鏡水波  
官中從爾較催科  
遙知此後彈冠日

隨處春風趣益多

青李來禽貢尚方  
朱籃黃帕屢分嘗  
天涯為子題詩句  
慚愧非才負寵光

與世賞庶子同飲通州致仕袁千戶家

春館留人一笑同  
愛君家住潞河東  
嫖姚久謝千軍帥  
矍鑠真堪百歲翁  
新酒白魚牽思遠  
綠波芳草送塵空  
論詩更值王摩詰  
不道相逢是客中

題老子出關圖



函谷關高高入雲東來紫氣何繽紛關頭或有異人過  
令尹一日先知聞青牛駕車出林莽翠葆拂曉揚清芬  
至人中坐雪垂領神氣內守顏如醺當時令尹亦奇士  
衣冠奉候青山垠車前再拜復長跪局縮似禮雲中君  
至人自是真天人憫此濁世飛埃氛出關定隱不復現  
草衣木食甘隨羣天書雲篆倘有作坐遣道德為耕耘  
停車揮扇相告語為爾啓鑰開玄文致柔專氣五千字  
劃然天地如初分乃知至人與衆異下視諸子皆蟲蚊

至人昔作柱下史披誦亦自勞精勤三墳五典久在目  
霞裾尚爾留香芸尼父聖人敬問禮逮今一一餘坑焚  
至人至意人叵測朱滕綠檢空云云窺圖撫景三嘆息  
春風滿屋銷鑪薰

別潞河逆旅主人馮大周

二月南歸候水官高堂留宿有餘歡主人長道望塵久  
客子不知行路難曉日橋邊折楊柳春風庭下養芝蘭  
人生去住何須問一笑詩成酒未殘

清明日發舟偶過廣福寺

潞河東岸發歸程步入招提問寺名  
煙鎖綠蕪涵暝色風吹黃柳散春聲  
廿年賜火慚君寵四野澆墳愴客情  
晚供有茶聊當酒一番飄泊已清明

宿瀛東別業

先人有別墅宛在瀛川曲荏苒二十年  
始此一停宿裴裏原野間百感中  
自觸梨花積晴皜楊柳紛衆綠一歲  
增幾株當時手栽木白駒亦何駛  
蒼髮忽半禿緬懷古

賢達曠視不可復豈無致主心自審誠碌碌君恩浩山海不遣隨竄逐賃船走東南日夜憂骨肉矧茲墓臺荒奉掃未成卜渺渺滄波長悠悠白日速明發城東門低頭愧林谷

輓清源劉孝子克莊

大扁金書照里門當時純孝尚堪論庭烏最爾諳心事墳草猶疑染淚痕五夜忽驚塵夢杳百年終見古風存孤舟前日相逢地寒水無由酌一尊

鄉人客清源者追餞索詩

北河一棹還新安清源追別聊盤桓  
羨君盡享估客樂顧我方憂行路難  
徵詩往返白日速縱酒歌呼清夜闌  
鄉情離思兩不極垂楊挿水春漫漫

雲龍山留別宗姪楚英同守

客裏孤舟此暫停夕陽紅處亂峯青  
閒雲尚繞從龍地蔓草空餘放鶴亭  
佛散寶花成舊刹人摩蒼蘚刻新銘  
等閒弔古情無限不為傷離酒易醒

黃茅岡

艤櫂來登亂石岡幾間茅屋水天長  
桑原麥壟人行處曾是蘇公舊獵場

亞父塚

廢塚曾經盜發頻白頭空作楚謀臣  
填冑一怒緣何事贏得漁樵冷笑人

戲馬臺

千古荒臺倚暮雲霸圖銷歇水沄沄  
當時駿骨知多少

惟有烏雕不負君

陵母墓

夜臺千古閼荒山  
智母名高宇宙間  
不向楚庭先伏劍  
王郎應自乞身還

教子扶王不二心  
幾人回首愧纓簪  
當廷死諍遵慈訓  
始覺君侯孝最深

水次倉

相傳即芝麻  
李二故居

廣廈朱門照水明  
太平軍食轉彭城  
不知南北人來往

猶唾芝麻李二名

廣陵驛下與表兄林文秀倉使夜酌

二十四橋春草平月明依舊滿蕪城繁華百代底須問  
邂逅一尊無限情去國浪傳金馬客倚樓誰送玉簫聲  
孤帆又作江南別坐聽船籤報五更

遊焦山

十日橫江雨未晴曦舟來作看山行海濱煙堠遙分幟  
樹杪風帆欲近城去國身輕隨鴈落登高詩健逐潮生



閒心願託焦光隱客裏先拋第一盟

飲觀音閣

漠漠頑陰掃未開石梯千仞滑生苔倚闌尚見淮南樹  
拂袖疑登海上臺坐聽松風聊當樂醉呼江水欲添盃  
繞山細勘題名刻早有人曾冒雨來

登江山壯觀亭

時與王  
令同遊

整屐同登壯觀亭百年身世等飄萍兩潮漫作崩騰勢  
拳石終存砥柱形返棹客愁煙樹黑浮家人占雨莎青

南來扶勝心方健有約重尋瘞鶴銘

書法孝子傳後

野宿風號半毀形眼看墳草六回生當時至行真難再  
合上清朝太史銘


有生便識全歸理欲救親危敢愛身正恐毀傷堪藉口  
世人翻誚舍生人

毀體非孝之說本如孔子所謂忘身于一朝之忿與  
孟子所謂從欲鬪狠以取危戮者耳若刳股以圖愈

親之疾自近于舍生之義而讀者不能以詞逆志遂  
牽于毀體之文吾恐其流之弊將并所謂舍生之義  
而棄之因觀楊君應寧所為法孝子傳附見此意

丹徒王璽家蜜褐蓮卷追賦

王家池上見芙蓉蜜褐裝成態有餘  
晚色盡消脂粉氣  
高標宜占水雲居  
紅灰酒滿香中瀉  
白社詩殘葉上書  
欲為花神增舊譜  
賞緣他日記南徐



篁墩文集卷八十二

欽定四庫全書

集部

望墩文集卷八十三

詳校官編修臣李堯棟

中書臣劉源溥覆勘

總校官進士臣朱鈐

校對官監丞臣張魯炳

謄錄監生臣錢雋選

欽定四庫全書

望墩文集卷八十三

明

程敏政

撰

詩

登多景樓

黯黯江雲結暮陰  
江樓高處一登臨  
山根亂雪來雙櫓  
天外遙青出寸岑  
歸去已慚陶令賦  
醉中偏愛穎師琴  
鰭魚竹筍江南路  
幸及霜毛未滿簪

僧一柱  
能琴

與袁石坡太守遊甘露寺

天外飛甍接太虛只疑僧在霧中居風掀白浪過江口  
雲擁青山入座隅詞客舊題留北固寓公高致屬南徐  
贊皇池館瑯琊石擬向雷音洞裏書

太醫院使錢君宗嗣輓歌

生死交情二十年艤舟京口倍淒然青山細雨人何在  
悵望城南白兔阡

青囊家世數誰精錢乙當時重兩京先子已隨龍馭遠  
空留人道國醫名

幾年供奉殿東頭  
最得先皇寵數優  
遣奠尚留天語在  
虹光千古照林丘

憶曾阻雪到江干  
野寺相逢歲正闌  
今日我來君已去  
人間離合最無端

浮榮無賴似浮雲  
多少人隨草木羣  
百世定知君有託  
謝家兄弟總能文

投劾歸來感聖恩  
舊游零落不堪論  
山中我未憂多病  
尚有君傳樂禁存



錢宗脩覽翠亭

名園佳處結幽亭竹樹森森畫不局  
雨過四簷塵不起風生雙袂酒初醒  
沿階草色時供翠排闥山光遠送青  
他日可容分半席綠陰間叩衛生經

留別楊應寧僉憲

時以受  
居鎮江

楊君我良友一別經幾秋不圖今日來  
相見古潤州顏色甚憔悴知子非窮愁  
無奈寸草心更抱蒼生憂節齋共蔬食  
為子一日留子才非詞藻立志希前脩  
有如霜

礪松不作春花羞向來稍自見足應明堂求我生本迂  
慙未老驚白頭負恩合竄亟徵倖歸林丘子幸不棄我  
晤言如有投感此意不極翩然愧難酬蕭蕭白日雨黯  
黯滄江樓行裝已成曉鳴榔發孤舟後會杳難期歲月  
如奔流遲子崇令德盟言慰朋游

何氏大蓮卷

異方傳得賣花翁照水能開一丈紅色靚鉛華朝帶雨  
香生簾幙夜合風護妝合遺遮紈扇侑客長應剪碧筒

金史卷八十三  
聞說主人真好事不辭題句慰芳叢

留別王丹徒公濟

三十年前同舍郎行邊一笑暫停裝風流大采真吾弟  
涉水登山共此觴壯歲喜君官况好畏途驚我鬢絲長  
詩筒兩日頻來往未覺相逢是異鄉

乘風夜過無錫寄致政秦廷韶方伯及詩社諸  
君子

一歸方喜稱閒身十口那堪更索人半夜隨風挂帆去

負君相候洗纓塵

他時有約報郵籤  
山鳥啼殘筍正甜  
等是太平林下客  
幅巾來往定無嫌

與王宣谿世賞同至虎丘醉中限韻一首

三度來嘗陸羽茶  
園丁曾此薦冰瓜  
遊蹤語客真成夢  
醉眼看山久作花  
舊榜詩隨塵外劫  
遠歸身似海中槎  
殘陽塔院翻多興  
欲典宮衣向酒家

用前韻二首與宣谿

選勝同來竊供茶晤言終日愧投瓜幽人泉上堪剗竹  
短簿祠前訪種花山犬不驚隨鶴氅野僧如悔認星槎  
老天故爾供吟嘯容我登臨直到家

重揖山靈欲酌茶秋風今熟幾回瓜題名石裂攢金薤  
殉劍池深冷鐵花詩壘衆降新立幟酒船如泊小浮槎  
煩君併作南遊錄乞與兒孫記兩家

簡沈石田啓南求畫

孤舟搖蕩出風濤涉水登山也自勞乞取生綃圖四景

卧遊客我醉松醪

與楊君謙儀曹劉振之鴻臚遊靈巖遇雨

夾岸吳山掃黛青  
酒船隨意泊沙汀  
簾收晚雨三家市  
旗颺薰風十里亭  
滄瀆舊名餘戰地  
靈巖佳跡播圖經  
同來莫遣遊情敗  
僧榻何妨一夜停

冒險乘輿度嶺腰  
石苔青遍雨蕭蕭  
野人笑我遊何健  
客子憑誰酒易消  
鳥外雲深唯見塔  
鷗邊溪漲欲平橋  
望中似覺山容喜  
知有新篇慰寂寥

細雨斜風破賞緣壯遊奇興獨森然采香徑古雲千壑  
響屨廊空草一川羈客坐貧船似屋主人情慳酒如泉  
溪山燈火論心地不道相違是隔年

菌生船窓下作

老舫經殘雨俄生一菌長根連枯枿潤色藉朶雲黃穉  
子能加護靈苗或異常題詩矜昇爾擊節和鳴榔

晚登姑蘇驛樓與瞿剛貢士小酌有感

辛丑歲  
嘗寓此

數日

躡屐重登昭賜樓，吳杭今是八回秋。  
驛夫迎舫驚生客，穉子循廊感舊遊。  
塔影帶雲橫樹杪，鵲聲和雨下城頭。  
晚涼不盡裊裊意，一飯匆匆已放舟。

留別蔣長洲克明

蔣子同年友，以御史貶蜀中，起廢為令於此，因與宣溪聯

句贈之

念子天涯久謫官，篁墩已看新命出金鑾。  
牛刀小試真

言偃，宣溪鷗社重尋愧謝安。  
舊雨故人頻對酒，篁墩青

霄客路正彈冠。  
明朝又作胥門別，宣溪浦樹江雲兩地



看篁墩

故人重會闔閭城宣溪十日難禁去住情沙上暫維青

崔舫篁墩尊前初試紫萼羹漢廷公議還須定宣溪蜀

道當時已慣行不日山林聞邸報篁墩路人應說介推

名宣溪

三辰堂為工部顧郎中從善賦從善及其父祖三世皆以辰年

登進士  
故名

衣冠三葉重吳人捷報相承似罕倫金榜有名初中甲

青陽無歲不逢辰韋編業在專門久華扁題成傑構新  
定見奇男光父祖考工才力正當春

姚生廣好篆籀之學所居在桃花塢上予與宣  
溪過之欣然為刻數印既而予譙南壕楊氏池  
館生復來贈一印其意甚勤因賦一絕贈之

一塢桃花映草堂箇中清致屬姚郎可人更到池亭上  
贈我歸田學士章

與宣溪聯句別振之

酒半有武當之約故詩及之

黃岡涇口夜停船  
篁墩草草行厨當別筵  
吳苑已離三舍外  
宣溪閶門猶在一  
盃前離人意逐江  
亭遠  
篁墩好事詩隨海舶傳  
明歲期君南入楚  
宣溪溪山同足賞  
心緣  
篁墩

吳江驛得司馬通伯侍御書  
通伯有歸志且約為鑑湖之遊

小住虹橋下  
翩然得素書  
塵談如見子  
筆陣久降予  
山雨朝醒後  
江花晚眺餘  
鑑湖真有約  
歸日辦籃輿

寄湖州王太守

予蒙恩得放還江南舟次平望有懷湖州太守王  
君因寄一律王君曹邑人以成化己丑擢秀南宮  
予時繆當分考之任而君之外舅宮保太宰先生  
以德望聞天下實先少保襄毅公友也今奉別二  
十年矣蓋予於王君跡疎而情親有不能已於言  
者如此

故人相望隔吳興畫舫青帘見未能幸我身隨蓮社老  
喜君名自栢臺升清朝事業羣英在前輩風流百感增

客裏有詩憑遞入  
苕溪新水綠層層

端午日與致政于景瞻京兆同至孤山

七年重憩孤山麓  
一浣湖光淨客衣  
自喜舟中佳節至  
誰言林下故人稀  
暗香疎影新篇少  
白石蒼松舊塚非  
更遣移尊六橋外  
野鷗相見已忘機

自岳王墳至淨慈寺

棲霞山色照湖東  
五日還當逆旅中  
角黍謾餘騷客恨  
南枝猶寄岳王忠  
夕陽燕影隨舟遠  
別浦煙霏入座空

節序催人仍弔古一尊同趁藕花風

湖上待劉邦彥不至

當時曾覓臥遊篇今日重來更惘然綠芰晚風頻喚酒  
白漚新水漫停船誰能向子封佳社獨可尋僧結淨緣  
明發又從嚴瀨去潮聲空落暮江邊

賓客樓為三山陳文用侍御追賦

一樓高起面嶺巔時肅煙雲入座看客禮未能相爾汝  
人情那復較炎寒嵐飛近檻真成畫秀落疎櫺似可餐

佳勝不妨長作主古靈家世舊衣冠

與張朝用太守飲紫陽菴晚至三茅觀

山上危亭四望空不知真境落塵中羽衣化鶴留仙骨  
月斧穿雲試鬼工天狗墮餘懸石墜金牛開出斷崖通  
酒酣更上三茅閣萬里潮翻夕照紅

飲定惠寺次舊韻調邦彥

石梯繞磴松風香山樓入空花雨涼醒心渴恨蔗漿少  
題句醉憐蕉葉長古人幾何開白社靈泉一脉來朱方

倚闌笑問劉禹錫禪味而今誰共嘗

虎跑泉和宣溪韻

於菟猶踞薜蘿屏須識名泉本地靈調水可憐人更癖  
濯纓誰遣夢初醒魏公字簇山花艷蘇老詩鑒石蘚青  
泡影果緣僧呪起欲將真偽勘圖經

為宣溪題菊留別維揚高憲副

潭水亭亭照影空幾番花木鬪青紅相看只有霜春面  
獨立西風蔓草中



宣溪先出至江口有見懷之作時予尚留杭城

依韻奉酬

疎簾風逗葛衣涼  
此夜歸心共渺茫  
去住偶然分客邸  
笑談猶似隔隣牆  
江回白塔潮頭小  
節到黃梅雨腳長

明日藍輿聊志喜  
鳥聲山色近吾鄉

時將登陸之  
富陽故云

涵碧亭八詠

文峯貢翠

池上一峯孤下瞰  
池亭小書空  
兆人文卓筆青  
未了

石鼓浮嵐

小山本幽絕晴嵐濕衣裾誰能琢崖蘚正作岐陽書

潮閣晨鐘

隱隱青蓮居鯨音斷復續幽人驚起遲林光動朝旭

義溪夜笛

何人弄長笛散比柯亭秋令我發竒思風吹月波浮

荷塘曉色

池亭踏露入冉冉聞幽香方塘水如鏡照見芙蓉妝

松徑秋聲

四山黃落時夾路松濤起中舍太古聲能清管絃耳

夕照鳶飛

斜陽過亭西縱目隨所適何處一鳶來飛飛破晴碧

晴淵魚躍

白日下深沼遊鱗動腥風宛有川上趣不羨濠梁翁

按浙侍御三山陳君文用家有涵碧之亭環亭之景  
更析為八名公品題率成卷矣值予南歸過杭文用

遣吏尾舟為請林下之人方適志山水而不以多取  
為嫌也因各綴一絕短章寂寥不足以盡池亭之勝  
姑少副君之雅意云爾

姚貢士時舉及其弟中書吉甫送予與宣溪至

釣臺下聯句為別

一尊相餞上桐江篁墩客思撩人未易降斜日挂帆風

欲正宣溪斷崖停櫓浪猶撞通家義重金蘭契篁墩逸

興歌慚白雪腔鐘鼎山林須努力宣溪可堪分袂隔船

憲篁墩

提學憲副東園鄭君廷綱置酒富春驛亭叙舊

得聯句三首

山雨初收暑氣清東園驛亭開宴叙離情篁墩香菊未

出心先醉宣溪新茗才傾句已成東園坐倚畫闌窺淨

綠篁墩笑停烏榜忘嚴程宣溪人生聚散渾如夢東園

贏得重溫白社盟篁墩

睦州城下偶逢君篁墩把酒相看日未曛宣溪茅屋幾

間山寺外東園蘭舟一棹石堤垠篁墩已知學教遵安

定宣溪久羨才名賽右軍東園明日江亭愁遽別篁墩

幾聲長笛不堪聞宣溪

講筵同及事先皇宣溪謫下西湖兩鬢霜東園潦倒一

尊仍話別篁墩聯翩孤榻此追涼宣溪江聲樹色催詩

急東園竹筍溪魚入饌香篁墩握手嚴陵山下路宣溪

誰知身世在他鄉東園

與東園宣溪瀕江夜坐聯句六韻

坐久江干月漸明東園山城譙鼓報初更篁墩邊流官

樹參差影

宣溪

隔岸漁舟欵乃聲

東園

客路屢驚時序

改篁墩

詩壇長助夢魂清

宣溪

汀蘆水鳥棲初定

東園

野草青蛙斷復鳴

篁墩

洗盞不妨更夜酌

宣溪

奈促晨征

東園

獨憐遠浦寒潮上

篁墩

不管尋常去住

情

宣溪

### 懷邵文敬太守

有美文章守無情山水州一宵蓬上雨了得半江愁

得蕭文明衢州書

喜君得內徙身已到三衢暫免塵埋足遙聞雪上鬚煙  
雲供草聖巖壑助詩脾幸爾雙鱗便長應尺素俱

東園復請遊天寧寺席上聯句

石徑盤迴萬木中篁墩寺門惟許白雲通宣溪參差樓

閣煙霞古東園掩映溪山戶牖空篁墩坐久塔鈴還自

語宣溪詩豪牀筆喜相同東園興來隔渡頻呼酒篁墩

醉裏看花更徙筇宣溪啼鳥數聲簷外樹東園歸帆一



葉雨邊風篁墩茶瓜留客全忘暑宣溪泉石娛人正未

窮東園地迴百年初勝賞篁墩僧忙半日總羣公宣溪

飄蓬湖海憐雙鬢東園結草田園方寸衷篁墩欲就佛

龕燈下宿宣溪萍蹤那復計西東東園

山寺聽雨限韻聯句

尋幽過野寺煙樹迷藍輿東園忽驚新雨至坐遣羈懷

舒篁墩因之洗煩興起聽風簷虛宣溪枕邊氣蕭爽為

我清塵裾東園巖花驚夜落徑草思春鋤篁墩跳珠卷

荷淨鳴漏穿棚餘宣溪寒聲度紗幌入竹還徐徐東園  
林鳩苦未足秧馬今何如篁墩連牀續舊約豈似古城  
疎宣溪挑燈欲忘寐離思誰憐渠東園漁舟趁潮遠衲  
子牧簾初篁墩深盃一志喜載摘園中蔬宣溪

東園口誦山色雨聲一聯且約為武夷之行隨  
足成之

幾載各西東相逢一醉同客程山色外離思雨聲中白  
社尋常句蒼頭四十翁停雲知有意江上候南鴻

近得陸少卿鼎儀之訃慨念不能已因聯句哭

之

客路遙傳崑玉摧篁墩臨風揮涕不勝哀東園西清往

事成陳跡宣溪東觀遺編憶俊才篁墩古木斜陽山色

暮東園斷橋殘雨野潮回宣溪今宵定有懷人夢篁墩

都向山陽笛裏來東園

嚴州城下與宣溪別

燈火聯舟數十程客邊分袂不勝情孤身去國同將母

兩世通家泰作兄多病止堪歸計早不才深負主知明  
青山白水漁樵路長報平安慰此生

用韻別宣溪弟待魁世選

江派分流作兩程離愁無奈水無情推蓬幾閱閒風雨  
落筆真憐好弟兄鏡裏年華青鬢改社中心事白鷗明  
鳳毛麟角寧終困努力相期在後生

未至茶原梅水橫發塊坐三日

幾日黃梅雨平吞綠樹灣犬驚船上屋蛟縱水沉山兩

履難乘興三盃暫破顏人生亦堪笑尺是鄉關

留別淳安劉尹仲和魚呈大司空胡公大參應

公諸鄉舊

淳安曾是歙東鄉地主相留合盞觴梅雨勢添溪漲惡  
竹禽聲助野歌長坐慚師席親元老語及名途笑漫郎  
他日重來訂鄉約一廬容我寄漁榔

商茂霖主事請飲魁星樓喜晴

危樓高出孔牆東星彩常拖萬丈虹聖化喜霑三日雨

客談真動四筵風人聽弦誦如塵外天與江山入畫中  
無限詩情慚句拙晚鴉遙點夕陽紅

應文貞典寶有葡萄便面檀香為骨意甚愛之  
因賦一絕

馬乳纍纍紫蔓長折枝疑帶露華涼等閒入手微風起  
併作梅檀一味香

題宗姪孫文楷文模二便面

莫謂老人佺須知孺子賢坑焚禍方烈誰有素書傳

右圮橋進履

繞闌花似雪枝上立珍禽入手炎光散清風動竹林

右花鳥

教諭許君置酒藏書閣有懷融堂錢先生

登高元不為傷離雨後溪山一倍奇野寺晴嵐隨畫出  
石林殘照與詩宜醉呼豆莢供新茗閒掃苔花讀舊碑  
前輩風流誰復在百年融老是吾師

小金山

在淳安上石渡  
山頂有古佛庵